

羣書治要

羣書治要卷第八

秘書監鉅鹿男臣魏徵等奉勅撰

周禮 周書 春秋外傳國語

韓詩外傳

周禮

天官

惟王建國、辨方正位、別四方、正君臣之位、體國

經野、體、猶分、邦畿之度、經野、疆理其井廬也、設官分職、置冢宰、司

馬、司寇、司空、各有以爲民極、極、中也、令天下之所職、而百官事舉、以爲民極、人各得其中、不失

其所也乃立天官冢宰使帥其屬而掌其邦治以

佐王均邦國

掌主也邦治王所以治邦國者佐猶助也

建邦之六典

以佐王治邦國一曰治典以經邦國以治官府

以紀萬民二曰教典以安邦國以教官府以擾

萬民三曰禮典以和邦國以統百官以諧萬民

四曰政典以平邦國以正百官以均萬民五曰

刑典以詰邦國以刑百官以糾萬民六曰事典

以富邦國以任百官以生萬民

典常也法也王謂之禮經常所

乘以理天下者也邦國官府謂之禮法常所守以爲法式也擾猶馴也統猶合也詰猶禁也任

猶傳也、生、猶養也、以八柄詔王馭羣臣、一曰爵、以馭其

貴、二曰祿、以馭其富、三曰予、以馭其幸、四曰置、

以馭其行、五曰生、以馭其福、六曰奪、以馭其貧、

七曰廢、以馭其罪、八曰誅、以馭其過、柄所秉執以起事者

也、詔告也、助也、爵謂公侯伯子男卿大夫士也、祿所以富臣下也、幸謂言行偶合於善、則有以

賜與之、勸後也、生、猶養也、賢臣之老者、王有以養之也、奪、謂臣有大罪、沒入家財者也、誅、責讓

也、以八統詔王馭萬民、一曰親親、二曰敬故、三

曰進賢、四曰使能、五曰保庸、六曰尊貴、七曰達

吏、八曰禮賓、統所以總物者也、親親若堯親九族也、敬故不慢舊也、賢有善行也、

之貴下  
舊無者  
字補之

能多才藝也保庸安有功也尊貴尊天下之貴者也達吏察舉勤勞之小吏也禮賓賓客諸侯所以示民親

仁善鄰也

會正正處也

歲終則令百官府各正其治受其

會大計也

也考績

膳夫掌王之食飲膳羞大喪則不舉大荒則不

舉大札則不舉天地有災則不舉邦有大故則

不舉

大荒凶年也大札疫癘也天災日月晦食也地災崩動也大故刑殺也春秋傳曰司

寇行戮君為之不舉

地官

大司徒之職、掌建邦之土地之圖、與其人民之數、以佐王安擾邦國、

教所以親百姓訓五品也、擾亦安也、言饒衍也、

而

施十有二教焉、一曰、以祀禮教敬、則民不苟、二曰、以陽禮教讓、則民不爭、三曰、以陰禮教親、則民不怨、四曰、以樂禮教和、則民不乖、五曰、以儀制教中、則民不越、六曰、以俗教安、則民不愉、七曰、以刑教中、則民不覯、八曰、以誓教恤、則民不怠、九曰、以度教節、則民知足、十曰、以世事教能、則民不失職、十有一曰、以賢制爵、則民慎德、十有

二曰以庸制祿則民興功

陽禮謂鄉射飲酒也陰禮謂男女之禮也

昏姻以時則男不曠女不怨也儀謂君南面臣

北面父坐子伏之屬也俗謂土地所生習也倫

謂朝不謀夕也恤謂災厄相憂也民有凶患憂

之則民不懈怠也度謂宮室車服之制也世事

謂士農工商之事少而習焉其心安焉因教以

能不易其業也慎德謂矜其善德勸為善也庸

功也爵以顯賢以保息六畜萬民一曰慈幼二

祿以賞功也

曰養老三曰振窮四曰恤貧五曰寬疾六曰安

富

保息謂安之使蕃足也慈幼愛少也養老七

十養於學五十異糧之屬也振窮救天民之

窮者也恤貧貧無財業粟食貸之也寬疾若今

瘠不可事不筭卒也安富平搖役不專取之也

以鄉三物教萬民而賓興之一曰六德智仁聖

義忠和二曰六行孝友睦姻任恤三曰六藝禮

樂射馭書數

物猶事也興猶舉也民三事之故成卿大夫舉其賢者能者以飲酒

之禮賓客之既則獻其書於王矣智明於事也仁愛人以及物也聖通而先識也義能斷時宜

也忠言以中心也和剛不柔也善於父母為

孝善於兄弟為友睦親於九族也姻親於外親

也任信於友道也恤振憂貧者禮五禮之儀也樂六樂之歌舞也射五射之法也御五御之節

也書六書之品也數九數之計也以五禮防萬民之僞而教之

中禮所以節止民之侈僞使其行得中也五禮謂吉凶賓軍嘉以六樂防萬

民之情而教之和樂所以蕩正民之情思使其心應和也六樂謂雲門咸池

大韶大夏大濩大武也

之師字清

鄉師以歲時巡國及野而賙萬民之艱阨以王

命施惠

歲時者隨其事之時不必四時也艱阨饑乏者也

師氏掌以美詔王

告王以善道也文王世子曰師者教之以事而諭諸德者

也以三德教國子一曰至德以爲道本二曰敏

德以爲行本三曰孝德以知逆惡也教三行一

曰孝行以親父母二曰友行以尊賢良三曰順

行以事師長

德行外內之稱也在心爲德施之爲行也至德中和之德覆燾持載

含容者也敏德仁義順時者也孝德尊祖愛親守其所以生者也孔子曰武王周公其達孝矣乎夫孝善繼人之志善述人之事也

保氏養國子以道乃教之六藝一曰五禮二曰

六樂三曰五射四曰五馭五曰六書六曰九數

乃教之六儀一曰祭祀之容二曰賓客之容三

曰朝廷之容四曰喪紀之容五曰軍旅之容六

曰車馬之容養國子以道者以師氏之德行審

矢參連刻注襄尺并儀也五馭鳴和鑿逐水曲

過君表舞交衢逐禽左也六書象形會意轉注

指事假借諧聲也九數方田粟米差分少廣商

功均輸贏不足旁要方程今有重差夕桀句股  
也祭祀之容穆穆皇皇賓客之容嚴恪矜莊朝  
廷之容濟濟跄跄喪紀之容纍纍顯顯軍旅之  
容暨暨詭詭車馬  
之容匪匪翼翼

司教掌凡歲時有天患民病則以節廵國中及

郊野而以王命施惠

天患謂災害也節旌節也施惠賜恤

春官

大司樂以樂德教國子中和祗庸孝友

中也猶忠也和剛

柔適也祗敬也庸有常也

凡日月食四鎮五嶽崩大傀異灾

諸侯薨令去樂

四鎮山之重大者也謂會稽沂山醫無閭霍山也五嶽岱衡華

嵩恆也傀猶怪也大怪異灾謂天地奇變若大星辰奔賁及震裂為害者也去樂藏之也

大凶大灾大荒大臣死凡國之大憂令弛縣

札疫癘凶凶年也灾水火也弛釋下之也

凡建國禁其淫聲過聲凶

聲慢聲

淫聲若鄭衛也過聲失哀樂節也凶聲亡國之聲若桑間濮上也慢聲惰慢不

恭之聲

### 夏官

大司馬之職掌建邦國之九法以佐王平邦國

平成也正也

制畿封國以正邦國

封謂立封於壇為界

設儀辨

位以等邦國

儀謂諸侯諸臣之儀

進賢興功以作邦國

起作

也起其進善樂業之心

建牧立監以維邦國

維猶連結

制軍詰

禁以紂邦國

詰窮治也紂正也

施貢分職以任邦國

職謂

賦稅也任猶事也

簡誓鄉民以用邦國

誓計也

均守平則

以安邦國

九諸尊者守大

比小事大以和邦國

比猶親使大國親小國小國事大國

以九伐之法正邦國

諸侯有違王命

則出兵征伐而正也

馮弱犯寡則胥之

胥猶人胥瘦也

賊

賢害民則伐之

有鐘鼓曰伐以聲其罪

暴內陵外則壇之

置之空壇之中別立君也

野荒民散則削之

田不治民不附則削其地也

負固不服則侵之

侵用兵淺侵之而已

賊殺其親則正之

正殺也

放弑其君則殘之

殘滅其為惡者

犯令陵政則杜

之

犯令逆命也陵政輕法也杜塞使不得與諸侯通

外內亂為獸行則

滅之仲春教振旅

師出曰治兵入曰振旅皆習戰也四時獵各教民以其一

焉遂以蒐田

蒐擇也擇取禽獸不學者

仲夏教拔舍

拔舍猶草舍軍

有草止之法

遂以苗田

夏田為苗簡取禽獸不學若治苗去不秀實者也

仲

秋教治兵遂以獮田

獮猶殺也中殺者多

仲冬教大閱

大閱

簡軍實備禮不如出軍時

遂以狩田

冬田為狩言守取之無所擇也

司勲掌等其功

等猶差也以功大小為差等

凡有功者銘書

於王之大常祭於大烝

銘之言名也生則書於王旌以識其人與其功

也死則於烝先王祭之冬祭曰烝王旌畫日月為大常也

凡賞無常輕重視

功無常者功之大小不可豫

秋官

大司寇之職掌建邦之三典以佐王刑邦國詰

四方一曰刑新國用輕典新國謂新開地二曰

刑平國用中典三曰刑亂國用重典亂國謂篡殺叛逆之

國以圓土聚教疲民圓土獄城也聚疲民其中困苦以教之為善也民不

愍作勞有似於疲也凡害人者寘之圓土而施職事焉以

明刑耻之明刑謂明書其罪於大方板以著背也職事謂役使之也其能改

者反于中國不齒三年其不能改而出圓土者

殺以嘉石平疲民疲民謂為邪惡者也凡萬民之有罪過

而未麗於法而害於州里者桎梏而坐諸嘉石

舊無小  
司寇字  
補之

役諸司空剗里任之則宥而舍之

有罪過謂邪惡之人所罪

過者也麗附也未附於法未著於法也役諸司空坐日訖使給百工之役役月訖使其剗里之人任之乃

以肺石達窮民

肺石赤石也窮民天之敎之也民之窮而無告者

凡遠近惻獨老幼之欲有復於上而其長弗達者立於肺石三日士聽其辭以告於上而罪其

長

復白也長謂諸侯及所屬吏

小司寇凡命夫命婦不躬坐獄訟

命夫謂大夫也命婦謂大

夫妻也若有罪不自身坐使其屬及子爭也

凡王同族有罪不即市

刑於甸師氏也

以五聲聽獄訟求民情一曰辭聽

辭不直則

舊下有知字

也、二曰色聽色不直則報也、三曰氣聽氣不直則喘也、四曰耳

聽耳不直則惑也、五曰目聽目不直則眊然、以八辟麗邦法附

于刑罰辟法也麗附也、一曰議親之辟若今時宗室有罪先請是也、

二曰議故之辟故謂舊也、三曰議賢之辟若今時廉吏有罪先

請是也、四曰議能之辟能謂有道藝者、五曰議功之辟謂有

太勲力立功者也、六曰議貴之辟若今時吏墨綬有罪先請是也、七曰

議勤之辟謂憔悴事國者、八曰議賓之辟謂所不臣者三恪二代之

後與

司刺掌三刺三宥三赦之法以贊司寇聽獄訟

刺殺也、致三問之、然後殺、一刺曰、訊羣臣、再刺曰、訊羣吏、三

刺曰、訊萬民、

訊、言問也、

壹宥曰、不識、再宥曰、過失、三

宥曰、遺忘、

不識、謂愚民無所識也、宥、寬也、

壹赦曰、幼弱、再赦曰、

老耄、三赦曰、憊愚、

憊愚、生而癡騃也、赦、謂免其罪也、

以此三法

者求民情、然後刑殺、

小行人、若國札喪、則令賻補之、

賻、喪家補其不足、

若國

凶荒、則令賙委之、

委、輸也、

若國師役、則令犒禮之、

犒、勞也、合助相振爲會、

若國有福事、則令慶賀之、若國有

禍灾、則令哀弔之、

掌客凡禮賓客國新殺禮凶荒殺禮札喪殺禮  
禍灾殺禮在野在外殺禮殺滅也國新新建國也凶荒無年也札喪疫癘也禍灾新有兵寇及水火也在野行軍在外也

### 周書

### 文傳解

天有四殃水旱饑荒其至無時非務積聚何以  
備之夏箴曰小人無兼年之食遇天饑妻子非  
其有也大夫無兼年之食遇天饑臣妾與馬非  
其有也國無兼年之食遇天饑百姓非其百姓

也戒之哉不思禍咎無日矣

言不速也

明開塞禁舍

者其取天下如化

變化之頃謂其疾

不明開塞禁舍者

其失天下如化

不明謂失其機

兵彊勝人人彊勝天

勝天

勝有天命

能制其有者能制人之有不能制其有者

人制之令行禁止王之始也

官人

富貴者觀其有禮施貧窮者觀其有德守嬖寵者觀其不驕奢隱約者觀其不懾懼其少者觀其恭敬好學而能第其壯者觀其潔廉務行而

勝其私、其老者、觀其思、慎彊其所不足而不踰、父子之間、觀其慈孝、兄弟之間、觀其和友、君臣之間、觀其忠惠、鄉黨之間、觀其信誠、設之以謀、以觀其智、示之以難、以觀其勇、煩之以事、以觀其治、臨之以利、以觀其不貪、濫之以樂、以觀其不荒、喜之以觀其輕、怒之以觀其重、醉之以觀其失、縱之以觀其常、遠之以觀其不貳、昵之以觀其不狎、復徵其言、以觀其精、曲省其行、以觀其備、此之謂觀誠、

芮良夫  
下堂有  
解字

# 芮良夫解

厲王失道、芮伯陳誥作芮良夫、芮伯若曰、余小

臣良夫、誓首謹誥、天子惟民、父母致厥道、無遠

不服、無道、左右臣妾乃違、道、謂德政、民歸于德、

德則民戴、否德民讎、茲允効于前、斯不遠、信驗於前

世、不遠也、商紂弗改夏桀之虐、肆我有周有家、舉衆行惡

滅亡、以爲戒也、嗚呼、惟爾天子、嗣文武之業、惟爾執政

小子、同先王之臣、昏行內顧、道王不若、同、謂位同也、昏

闇也、言教專利作威、佐亂進禍、民將弗龢、專利侵亂

王爲不順、

多聞下  
字無以  
字得之

全書對  
德

進不善也治亂信于其行惟王暨爾執政小子攸聞

行善則治行惡則亂皆所聞知也古人求多聞以鑒戒弗聞是

惟弗知言古人患不聞故有所不知也爾聞爾知弗改厥度亦

惟艱哉知而不改無可如何故曰難也夫后除民害不惟民害

害民乃非后惟其讎是與民為怨讎民至億兆后一而

已寡弗敵衆后其殆哉言上下無義對共相怨則寡者危已烏虜

野禽馴服于人家畜見人而奔非禽畜之性實

惟人民亦如之人養之故擾服雖家畜不養則畏人治民亦然也今爾

執政小子惟以貪諛事王專利為貪面從為諛不對以備

難下民胥怨財單力竭手足靡措弗龕載上不

其亂而

言民相與怨上上加之罪民不堪命必作亂也

惟禍發於人之

攸忽咎起於人攸輕心不存焉變之攸伏

言人所輕

忽則禍之所起

爾執政小子弗圖大艱偷生苟安爵以

賄成

苟安無遠慮賄成不任德

賢智掛口小人鼓舌逃害要

利並得其求惟曰哀哉

賢者隱默以逃害小人佞諂以要利各得其求

故君子為之哀也

我聞曰以言取人人飾其言以行取

人人竭其行飾言無庸竭行有成惟爾小子飾

言事王實蕃有徒爾自謂有餘余謂爾不足敬

思以明德備乃禍難

言其不足於道義也、以用乃放

難至而悔

悔將安及

春秋外傳國語

周語

景王二十一年、將鑄大錢、單穆公曰、不可、古者

天灾降戾

降、下也、戾、至也、灾、謂水旱蝗螟之屬

於是乎量資幣權

輕重、以振救民

權、量猶度也、資、財也、權、稱也、振、拯也

民患輕、則爲

之作重幣以行之

民患幣輕而物貴、則作重以行其輕

於是乎有

母權子而行、民皆得焉

重曰母、輕曰子、貿物、物輕則子獨行、物重則以

本書相  
權之權  
作通

其貨作  
其貨

母權而行之也、子母相權、民皆得其欲也、若不堪重、則多作輕而行

之、亦不廢重、於是乎有子權母而行、小大利之

堪、任也、不任之者、幣重物輕、妨其用也、故作輕幣、雜而用之、以重者質其貴、以輕者質其賤也、

子權母者、母不足、則以子平之、而行之也、故錢小大、民皆以為利也、今王廢輕而

作重、民失其貨、能無匱乎、廢輕而作重、則本竭而末寡也、故民失其

貨、若匱、王用將有所乏、民財匱、無以供上、故王用將乏也、乏則

將厚取於民、厚取、厚歛也、民不給、將有遠志、是離民

也、給、共也、遠志、逋逃也、且夫備有未至而設之、備、國備也、未至而設

之、謂豫備不虞、安不念危、有至而後救之、至而後救之、謂若救火療疾、量資幣

之、謂豫備不虞、安不念危、有至而後救之、救火療疾、量資幣

平輕重是不相入也二者前後各有宜不相入不相為用可先而

不備謂之急急緩也可後而先之謂之召灾謂民未患

輕而重之離民周固羸國也天未厭禍焉而又

離民以佐灾無乃不可乎言周故已為羸病之國天降禍灾未厭已

將民之與處而離之將灾是備禦而召之則何

以經國君以善政為經臣奉而成之為經也國無經何以出令令

之不從上之患也故聖王樹德於民以除之立樹

也除除令不從之患也絕民用以實王府絕民用謂廢小錢斂而鑄大也

猶塞川原為潢汙也其竭也無日矣大曰潢小曰汙竭也

民貨作  
民貢

也、無日、無日數也、若民離財、匱、災至、備亡、王其若之何、

備亡、無救、災之備也、王弗聽、

二十三年、王將鑄無射、無射、鐘名、律中無射、單穆公曰、不

可、作重幣以絕民貨、又鑄大鐘以鮮其繼、鮮、寡也、寡

其繼者、用物過度、妨於財也、若積聚既喪、又鮮其繼、生何以

殖、積聚既喪、謂廢小錢也、生、財也、殖、長也、今王作鐘也、無益於樂、

而鮮民財、將焉用之、夫樂不過以聽耳、而美不

過以觀目、若聽樂而震、觀美而眩、患莫甚焉、夫

耳目心之樞機也、樞機、發動也、心有欲、耳目發動也、故必聽和

上言、下言、

而視正聽和則聰視正則明習於和正則聰則

言聽明則德昭聽言昭德民歆而德之則歸心

焉歆猶欣歆喜服也言發德教是以作無不濟求無不獲然

則能樂夫耳納和聲而口出美言耳聞和聲則口有美言此

感於物也以為憲令憲法也而布諸民民以心力行之

不倦成事不貳樂之至也貳變也若視聽不和而

有震眩於是乎有狂悖之言有眩惑之明出令

不信有轉易也刑政放紛動不順時民無據依不知

所力各有離心不知所為盡力上失其民作則不濟求

則不獲其何以能樂三年之中而有離民之器

二焉二謂作大錢鑄大鐘國其危哉王弗聽問之伶州鳩

伶司樂官對曰夫匱財用疲民力以逞淫心逞快

也聽之不和比之不度無益於教而離民怒神

非臣之所聞也王不聽卒鑄大鐘財匱故民離樂不和故神

怒也二十四年鐘成伶人告和伶人樂人主謂伶州鳩

曰鐘果和矣對曰未可知也明鳩以為鐘實不和伶人媚王謂之

和故曰王曰何故對曰上作器民備樂之則為

和言聲音之道與政通也今財亡民疲莫不怨恨臣不知

其和也

亂世之音怨以怒故曰不知其和

且民所曹好鮮其不

濟

曹群也

其所曹惡鮮其不廢諺曰衆心成城

衆心

所好莫之能敗其固如城

衆口鑠金

鑠消也衆口所鑠雖金石猶可消

今三

年之中而害金再興焉

害金害民之金謂錢鐘也

懼一之廢

也

二金中其一必廢也

王曰爾老耄矣何知二十五年王

崩鐘不和

王崩而言不和明樂人之諛

晉語

武公伐翼弑哀侯止欒共子曰苟無死

共子晉大夫共

也

吾以子爲上卿制晉國之政辭曰成聞之

民生於三事之如一一、三、君父師也、如父生之師

教之君食之食、謂祿也唯其所在則致死焉在君父

在師、為師也人之道也臣敢以私利廢人道乎謂不利

死、為上卿也君何以訓矣無以教為忠也從君而貳君焉用

臣貳、二心也遂鬪而死

文公問於郭偃郭偃、卜偃曰始也吾以國為易易、易治也

今也難對曰君以為易其難也將至矣君以為

難其易也將至矣以為難而勤修之、故其易將至

趙宣子言韓獻子於靈公為司馬宣子、趙宣孟也、獻子、韓厥

也司馬掌軍大夫也河曲之役趙孟使人以其乘車干行

干犯也行軍列也獻子執而戮之宣子召而禮之曰吾

聞事君者比而不黨比比義也阿私曰黨夫周以舉義比

也忠信曰周舉以其私黨也夫軍事有死無犯犯而

不隱義也在公為義吾言汝於君懼汝不能也舉而

不能黨孰大焉事君而黨吾何以從政勉之苟

從是行也勉之勸修其志是行今所行也臨長晉國者非汝其

誰臨監也長帥也皆告諸大夫曰二三子可以賀我矣

吾舉厥也而中吾乃今知免於罪矣

叔向見司馬侯之子、撫而泣之、曰、自其父之死、

吾莫與比而事君矣、昔者其父始之、我終之、謂有

所造為及諫爭相為終始成其事也我始之、夫子終之、無不可、無不

可、言皆從藉偃在側、曰、君子有比乎、比、君子周而不比、故偃問之叔

向曰、君子比而不別、比德以贊事、比也、贊、引黨

以封己、引、取也、封、厚也利己而忘君、別也、別、為朋黨

楚語

靈王為章華之臺、章華地名與伍舉升焉、曰、美夫、對

曰、臣聞國君服寵以為美、服、寵服、以是為美安民

以爲樂

以能安民爲樂

聽德以爲聰

聽用有德也

致遠以爲

明

能致遠人

不聞其以土木之崇高形鏤爲美

形謂丹楹

鏤謂刻桷也

先君莊王爲苑居之臺

苑居臺名

高不過望

國氛

氛氣也

大不過容宴豆

言宴有折俎簋豆之陳

木不妨

守備

不妨城郭守備之材

用不煩官府

財用不出府藏也

民不廢

時務官不易朝常先君是以除亂克敵而無惡

於諸侯今君爲此臺也國民疲焉財用盡焉年

穀敗焉

敗廢其時務也

百官煩也

爲之徵發

數年乃成臣不

知其美也夫美也者上下外內小大遠邇皆無

害焉故曰美也若於目觀則美於目則美財用

則匱是聚民利以自封而瘠民也胡美之為厚封

也胡何何以爲美也胡何何夫君國者將民之與處民實瘠君安

得肥安得獨肥故先王之爲臺榭也言將有患積土爲臺

榭不過講軍實講習也軍臺不過望氛祥凶氣

吉氣其所不奪穡地稼穡其爲不匱財用爲作

其事不煩官業也業事其日不廢時務以農隙也瘠磽

之地於是乎爲之不害穀土城守之木於是乎

用之城守之餘官察之暇於是乎臨之暇間四

時之隙於是乎成之

隙空也

夫為臺榭將以教民

利也

臺所以望氛祥而備災害榭所以講軍實而禦寇亂皆所以利民也

不知其

以匱之也

知猶聞也

若君謂此美而為之正

以為得事之正

也楚其殆矣

殆危也

鬬且廷見令尹子常

鬬且楚大夫子常囊瓦

子常與之語

問畜貨聚馬歸以語其弟曰楚其亡乎不然令

尹其不免乎吾見令尹問畜聚積實如餓豺狼

實財也

殆必亡者昔鬬子文三舍令尹無一日之

積恤民之故也

積儲也

成王每出子文之祿必逃

王止而後復、人謂子文曰、人生求富、而子逃之

何也、對曰、夫從政者、以庇民也、庇、覆也。民多曠者、

而我取富焉、曠、空也。是勤民以自封也、勤、勞也。死

無日矣、我逃死、非惡富也、故莊王之世、滅若敖

氏、唯子文之後在、至于今、為楚良臣、是不先恤

民而後己之富乎、今子常先大夫之後、先大夫、子囊也。

而相楚君、無令名於四方、四境盈壘、盈、滿也。壘、壁也。言壘

壁滿四境之內。道殣相望、道、冢也。殣、日殣。是之不恤、而畜聚不厭、

其速怨於民多矣、速、召也。積貨滋多、蓄怨滋厚、不

亡何待、期年、子常奔鄭、

王孫圉聘於晉、

王孫圉、楚大夫也、

定公饗之、趙簡子相、

問於王孫圉曰、楚之白珩猶在乎、

珩、佩上之橫者、對曰、

然、簡子曰、其爲寶也幾何矣、

幾何、世也、

曰、未嘗爲寶、

楚之所寶者觀射父、

言以賢爲寶也、

能作訓辭、以行事

於諸侯、

言以訓辭交結諸侯也、

使無以寡君爲口實、

口實、毀弄

也、又有左史倚相、能道訓典、以叙百物、

叙、次也、物、事也、

以朝夕獻善敗于寡君、無忘先王之業、又能上

下悅于鬼神、

悅、媚也、

使神無有怨痛于楚國、

痛、疾也、

又有數曰雲、金、木、竹、箭之所生也。楚有雲夢之數澤也。龜

珠、齒、角、皮、革、羽毛，所以備賦以戒不虞者也。龜

以備吉凶，珠所以衛火災，角所以爲弭賦，兵賦也。所以供幣帛

以亨於諸侯。亨，獻也。寡君其可以免罪於諸侯而

國民保焉。保，安也。此楚國之寶也。若夫白珩，先王

之玩也，何寶焉。玩，玩弄之物也。

### 韓詩外傳

楚莊王聽朝罷晏，樊姬下堂而迎之，曰：「何罷之晏乎？」莊王曰：「今者聽忠賢之言，不知饑倦也。」姬

曰、王之所謂忠賢者、諸侯之客與、中國之士與、  
莊王曰、則沈令尹也、樊姬掩口而笑、王曰、姬之  
所笑者何等也、姬曰、妾得侍於王十有一年矣、  
然妾未嘗不遣人求美人而進於王也、與妾同  
列者十人、賢於妾者二人、妾豈不欲擅王之愛、  
專王之寵哉、不敢以私願蔽衆美也、今沈令尹  
相楚數年矣、未嘗見進賢而退不肖也、又焉得  
爲忠賢乎、莊王以樊姬之言、告沈令尹、令尹進  
孫叔敖、叔敖治楚三年、而楚國霸、樊姬之力也、

檝作板

汨作迫

高墻豐上激下、未必崩也、降雨興、流潦至、則崩  
必先矣、草木根芟淺、未必檝也、飄風興、暴雨墜、  
則檝必先矣、君子居是國也、不崇仁義、尊其賢  
臣、以理萬物、未必亡也、一旦有非常之變、諸侯  
交爭、人趁車馳、汨然禍至、乃始愁憂、乾喉焦唇、  
仰天而歎、庶幾乎望天之救也、不亦晚乎、

田饒事魯哀公、而不見察、謂哀公曰、臣將去君  
黃鵠舉矣、哀公曰、何謂也、田饒曰、君獨不見夫  
鷄乎、頭戴冠者、文也、足傳距者、武也、敵在前敢

鬪者、勇也、見食相告者、仁也、守夜不失時者、信也、雞雖有此五德、君猶烹而食之者、何也、則以其所從來者近也、夫黃鵠一舉千里、止君園池、食君魚鼈、啄君黍粱、無此五者、君猶貴之者、何也、以其所從來者遠也、臣將去君、黃鵠舉矣、哀公曰、止、吾書子之言也、田饒曰、臣聞食其食者、不毀其器、陰其樹者、不折其枝、有臣不用、何書其言爲、遂去之、燕、燕以爲相、三年、燕政大平、哀公喟然大息、爲之避寢三月、曰、不慎其前、而悔

其後何可復得、

孔子曰、士有五、有執尊貴者、有家富厚者、有資  
勇悍者、有智慧者、有貌美好者、執尊貴、不以  
愛民行義理、而反以暴傲、家富厚、不以振窮救  
不足、而反以侈靡無度、資勇悍、不以衛上攻戰、  
而反以侵凌私鬪、心智慧、不以端計數、而反以  
事茲飾詐、貌美好、不以統朝泄民、而反以蠱女  
從欲、此五者、所謂士失其美質也、

原天命、治心術、理好惡、適情性、而治道畢矣、原

本言不以物害性矣作性不害物性

舊本言字之

天命則不惑禍福不惑禍福則動靜脩理矣治  
心術則不安喜怒不安喜怒則賞罰不阿矣理  
好惡則不貪無用不貪無用則不以物害性矣  
適情性則欲不過節欲不過節則養性知足矣  
四者不求於外不假於人反諸已而已

天設其高而日月成明地設其厚而山陵成居  
上設其道而百事得序

人有六情失之則亂從之則睦故聖王之教其  
民也必因其情而節之以禮必從其欲而制之

繫作繫

快作快

以義義簡而備禮易而法去情不遠故民之從命也速

智如原泉行可以爲表儀者人師也智可以砥礪行可以爲輔繫者人友也據法守職而不敢爲非者人吏也當前快意一呼再諾者人隸也故上主以師爲佐中主以友爲佐下主以吏爲佐危亡之主以隸爲佐欲觀其亡必由其下同明者相見同聽者相聞同志者相從非賢者莫能用賢故輔佐左右所任使有存亡之機得

失之要也可無愼乎、

昔者不出戶而知天下、不闕牖而知天道者、非目能見乎千里之前、非耳能聞乎萬里之外、以己之度度之也、以己之情量之也、己欲衣食焉、亦知天下之欲衣食也、己欲安逸焉、亦知天下之欲安逸也、己有好惡焉、亦知天下之有好惡也、此三者聖王之所以不降席而匡天下者也、故君子之道、忠恕而已矣、夫饑渴苦血氣、寒暑動肌膚、此四者民之大害也、大害不除、未可敢

御也、四體不掩、則鮮仁人、五藏空虛、則無立士、  
百姓內不乏食、外不患寒、乃可御以禮矣、

藍有青、而絲假之青於藍、地有黃、而絲假之黃  
於地、藍青地黃、猶可假也、仁義之士、可不假乎  
哉、東海之魚、名曰鰈、比目而行、北方有獸、名曰  
婁、更食更候、南方有鳥、名曰鸛、比翼而飛、夫鳥  
獸魚、猶知假、而況萬乘之主乎、而獨不知比假  
天下之英雄俊士、與之爲伍、則豈不痛哉、故曰、  
以明扶明、則升于天、以明扶闇、則歸其人、兩瞽

相扶、不觸墻木、不陷井窞、則其幸也、

福生於無爲、而患生於多欲、故知足、然後富從之、德宜君人、然後貴從之、故貴爵而賤德者、雖爲天子、不貴矣、貪物而不知止者、雖有天下、不富矣、夫土地之生物、不益、山澤之出財、有盡、懷不富之心、而求不益之物、挾百倍之欲、而求有盡之財、是桀紂之所以失其位也、

古者必有命、民有能、敬長、憐孤、取舍、好讓、居事、力者、命於其君、命然後得、乘飭車、並馬、未得

卽作則  
下卽不  
卽彊同

命者不得乘、乘皆有罰、故其民雖有餘財、侈物、  
而無禮義功德、卽無所用其餘財物、故其民皆  
興仁義而賤財利、賤財利卽不爭、不爭卽彊不  
凌弱、衆不暴寡、是唐虞之所以象典刑、而民莫  
犯法、民莫犯法、而亂斯止矣、

趙王使人於楚、鼓瑟而遣之、曰、必如吾言、慎無  
失吾言、使者受命、伏而不起、曰、大王鼓瑟、未嘗  
若今日之悲也、王曰、然、瑟固方調、使者曰、調則  
可記其柱、王曰、不可、天有燥濕、絃有緩急、柱有

推移不可記也、使者曰、臣請借此以喻楚之去趙也、千有餘里、且有凶則弔之、吉則賀之、猶柱之有推移、不可記也、故明王之使人也、必慎其所使、既使之、任之以心、不任以辭也、

趙簡子有臣曰周舍、立於門下三日三夜、簡子使問之曰、子欲見寡人何事、周舍對曰、願爲愕愕之臣、墨筆操牘、從君之過、而日有記也、月有成也、歲有效也、簡子居則與之居、出則與之出、居無幾何、而周舍死、簡子後與諸大夫飲於洪

蓋作蓋

波之臺酒酣簡子涕泣諸大夫皆出走曰臣有罪而不自知也簡子曰大夫無罪昔者吾友周舍有言曰千羊之皮不若一狐之腋衆人之唯不若直士之愕愕昔者紂默默而亡武王愕愕而昌今自周舍之死吾未嘗聞吾過也吾亡無日矣是以寡人泣也

晉平公遊於河而樂曰安得賢士與之樂此也船人蓋胥跪而對曰主君亦不好士耳夫珠出於江海玉出於崑山無足而至者猶主之好之

也。士有足而不至者，蓋主君無好士之意耳。何患於無士乎？平公曰：吾食客門左千人，門右千人，朝食不足，夕收市賦；暮食不足，朝收市賦。吾可謂不好士乎？蓋胥對曰：夫鴻鵠一舉千里，所恃者六翮耳；背上之毛，腹下之毳，益一把，飛不爲加高；損一把，不爲加下。今君之食客，將皆背上之毛，腹下之毳耳。詩曰：謀夫孔多，是用不就此之謂也。

宋燕相齊見逐，罷歸之舍，召門尉陳饒等二十

升作斗

狂作都

六人曰、諸大夫有能與我赴諸侯者乎、陳饒等皆伏而不對、燕曰、悲乎哉、何士大夫易得而難用也、陳饒對曰、非士大夫易得而難用也、君不能用、則有不平之心、是失之已、而責諸人也、燕曰、其說云何、對曰、三升之稷、不足於士、而君雁鶩有餘粟、是君之一過也、果園梨栗、後宮婦女以相提挈、而士曾不得一嘗、是君之二過也、綾紈綺縠、靡麗於堂、從風而弊、士曾不得以爲緣、是君之三過也、且夫財者、君之所輕

也、死者、士之所重也、君不能行君之所輕、而欲使士致其所重、譬猶鉛刀畜之、干將用之、不亦難乎、宋燕曰、是燕之過也、

魏文侯問狐卷子曰、父賢足恃乎、對曰、不足、子賢足恃乎、對曰、不足、兄賢足恃乎、對曰、不足、弟賢足恃乎、對曰、不足、臣賢足恃乎、對曰、不足、文侯勃然作色而怒曰、何也、對曰、父賢不過堯、而丹朱放、子賢不過舜、而瞽叟頑、兄賢不過舜、而象敖、弟賢不過周公、而管叔誅、臣賢不過湯武、

而桀紂伐望人者不至、恃人者不久、君欲治亦從身始、人何可恃乎、詩云、自求伊祐、此之謂也、昔者田子方出、見老馬於道、喟然有志焉、以問於御曰、此何馬、御曰、故公家畜也、瘦而不爲用、故出放之、田子方曰、少盡其力、而老弃其身、仁者不爲也、束帛而贖之、窮士聞之、知所歸心矣、魏文侯問李克曰、人有惡乎、對曰、有天貴者則賤者惡之、富者則貧者惡之、智者則愚者惡之、文侯曰、行此三者、使人勿惡可乎、對曰、可、臣聞

貴而下賤則衆弗惡也、富能分貧則窮乏士弗惡也、智而教愚則童蒙者不惡也、文侯曰、善、

人主之疾十有二發、非有賢醫莫能治也、何謂十二發、曰、痿、癰、逆、脹、滿、支、膈、盲、煩、喘、痺、風、此之謂也、賢醫治之若何、曰、省事、輕刑、則痿不作、無使小民饑寒、則癰不作、無令財貨上流、則逆不作、無使倉廩積腐、則脹不作、無使府庫充實、則滿不作、無使羣臣縱恣、則支不作、無使下情不上通、則膈不作、上振恤下、則盲不作、法令奉用、

則煩不作、無使下怨、則喘不作、無使賢人伏匿、則痺不作、無使百姓歌吟誹謗、則風不作、夫重臣羣下者、人主之心腹支體也、心腹支體無害、則人主無疾矣、故非有賢醫、莫能治也、人主皆有此十二疾、而不用賢醫、則國非其國也、

齊景公使使於楚、楚王與之上九重之臺、顧使者曰、齊亦有臺若此者乎、使者曰、吾君有治位之堂、土階三尺、茅茨不剪、采椽不斲、猶以爲爲之者勞、居之者泰、吾君惡有若此者乎、於是楚

懔懔

王懔如也

羣書治要卷第八

羣書治要卷第九

秘書監鉅鹿男臣魏徵等奉勅撰

孝經 論語

孝經

仲尼居

仲尼孔子字

曾子侍

曾子孔子弟子也

子曰先王有

至德要道

孔子者

以順天下民用和睦上下無怨

以用也睦親也至德以教之要道以化之是以民用和睦上下無怨也

汝知之乎

曾子避席曰參不敏何足以知之

參名也參不達

子曰

夫孝德之本也

人之行莫大於孝故曰德之本也

教之所由生

也、教人親愛、莫善於孝、復坐、吾語汝、身體髮膚、  
故言教之所由生

受之父母、不敢毀傷、孝之始也、立身行道、揚名

於後世、以顯父母、孝之終也、夫孝、始於事親、中

於事君、終於立身、大雅云、無念爾祖、聿修厥德、

大雅者、詩之篇名、無念、無忘也、聿、述也、修、治也、爲孝之道、無敢忘爾先祖、當修治其德矣、

子曰、愛親者、不敢惡於人、  
愛其親者、不敢惡於他人之親、敬親

者、不敢慢於人、  
已慢人之親、人亦慢已之親、故君子不爲也、愛敬盡

於事親、  
盡愛於父母、盡敬於父、而德教加於百姓、  
敬以直內、義以方外、

故德教加於百姓也、形于四海、  
形、見也、德教流行、見四海也、蓋天子之

孝也呂刑云一人有慶兆民賴之呂刑尚書篇名一人謂天

子天子為善天下皆賴之

在上不驕高而不危諸侯在民上故言在上敬上愛下謂之不驕故居高

位而不危殆也制節謹度滿而不溢費用約儉謂之制節奉行天子法度

謂之謹度故能守法而不驕逸也高而不危所以長守貴也居

位能不驕所以長守貴也滿而不溢所以長守富也雖有一國之財

而不奢泰故能長守富富貴不離其身富能不奢貴能不驕故云不離其身

然後能保其社稷上能長守富貴然後乃能安其社稷而和其民

人薄賦歛省徭役蓋諸侯之孝也詩云戰戰兢兢

兢如臨深淵如履薄冰

戰戰恐懼兢兢戒慎如臨深淵恐墮如履薄冰

恐陷

非先王之法服不敢服非先王之法言不敢道

不合詩書不敢道

非先王之德行不敢行

不合禮樂則不敢行

是

故非法不言

非詩書則不言

非道不行

非禮樂則不行

口無擇

言身無擇行言滿天下無口過行滿天下無怨

惡三者備矣然後能守其宗廟

法先王服言先王道行先王德

則為備矣

蓋卿大夫之孝也詩云夙夜匪懈以事一

人夙早也夜暮也一人天子也卿大夫當早起夜臥以事天子勿懈惰

資於事父以事母而愛同事父與母愛同敬不同也資於事

父以事君而敬同事父與君敬同愛不同故母取其愛而

君取其敬兼之者父也兼并也愛與母同敬與君同并此二者事父之道

也故以孝事君則忠移事父孝以事於君則為忠也以敬事長

則順移事兄敬以事於長則為順矣忠順不失以事其上事君能忠

事長能順二者不失可以事上也然後能保其祿位而守其祭

祀蓋士之孝也詩云夙興夜寐無忝爾所生忝辱

也所生謂父母士為孝當早起夜臥無辱其父母也

因天之道春生夏長秋收冬藏分地之利分別五土

二字刪之

未下九字添有脫誤

視其高下、此謹身節用、以養父母、行不為非為

分地之利、泰為節用、度財為費、父母不乏也、此庶人之孝也、故自天子至

于庶人、孝無終始、而患不及己者、未之有也、說

五孝、上從天子、下至庶人、皆當孝無終始、能行孝道、故患難不及其身、未之有者、言未之有也、

曾子曰、甚哉孝之大也、上從天子、下至庶人、皆當為孝無終始、曾子乃

知孝之為大、子曰、夫孝、天之經也、春秋冬夏、物有死生、天之經也、地

之義也、山川高下、水泉流通、地之義也、民之行也、孝悌恭敬、天

地之經、而民是則之、天有四時、地有高下、民則居其間、當是而則之、則

天之明、則視也、視天四時、無失其早晚也、因地之利、因地高下、所宜何等、

以順天下、是以其教不肅而成

以用也、用天四時地利、順治天

下、下民皆樂之、是以其教不肅而成也、

其政不嚴而治

政不煩苛、故不嚴而

治也先王見教之可以化民也

見因天地教、化民之易也

是故

先之以博愛、而民莫遺其親

先修人事、流化於民也

陳之

以德義、而民興行

上好義、則民莫敢不服也

先之以敬讓、而

民不爭

若文王敬讓於朝、虞芮推畔於野、上行之、則下效法之

道之以禮

樂、而民和睦

上好禮、則民莫敢不敬

示之以好惡、而民知

禁

善者賞之、惡者罰之、民知禁、不敢為非也

子曰、昔者明王之以孝治天下、不敢遺小國之

臣

古者諸侯歲遣大夫聘問天子天子待之以禮此不遺小國之臣者也

而況於

公侯伯子男乎

古者諸侯五年一朝天子天子使世子郊迎蓐禾百車以客禮

待之故得萬國之歡心以事其先王

諸侯五年一朝天子各以

其職來助祭宗廟是得萬國之歡心事其先王也

治國者不敢侮於鰥

寡而況於士民乎

治國者諸侯也

故得百姓之歡心以

事其先君治家者不敢失於臣妾之心而況於

妻子乎故得人之歡心以事其親夫然故生則

親安之

養則致其樂故親安之也

祭則鬼饗之

祭則致其嚴故鬼饗之

是以天下和平

上下無怨故和平

灾害不生

風雨順時百穀成熟

禍亂不作

君惠臣忠父慈子孝是以禍亂無緣得起也

故明王之以

孝治天下也如此

故上明王所以災害不生禍亂不作以其孝治天下故致

此詩云有覺德行四國順之

於此詩云有覺德行四國順之覺大也有大德行四方之國順而行

也之

曾子曰敢問聖人之德無以加於孝乎子曰天

地之性人為貴

貴其異於萬物也

人之行莫大於孝

孝者

德之本又

孝莫大於嚴父

莫大尊嚴其父

嚴父莫大於

配天

尊嚴其父莫大於配天生事愛敬死為神主也

則周公其人也

嚴

其父配食天

者周公為之

昔者周公郊祀后稷以配天

郊者祭天名后

稷者、周公始祖、宗祀文王於明堂、以配上帝、文王、周公之父、明堂

天子布政之宮、上帝者、天之別名、是以四海之內、各以其職來

祭、周、公行孝朝、越裳重譯來貢、是得萬國之歡心也、夫聖人之德、又何

以加於孝乎、孝、悌之至、通於神明、豈聖人所能加、聖人因嚴以教

敬、因親以教愛、因人尊嚴其父、教之為敬、因親近於其父、教之為愛、順人情也、

聖人之教、不肅而成、聖人因人情而教民、民皆樂之、故不肅而成也、其

政不嚴而治、其身正、不令而行、故不嚴而治、其所因者本也、謂本

孝也、父子之道、天性也、性、常也、君臣之義也、君臣非天性、

但義合耳、父母生之、續莫大焉、父母生子、骨肉相連、屬復何加焉、君

親臨之厚莫重焉

君親擇賢顯之以爵寵之以祿厚之至也

故不愛

其親而愛他人者謂之悖德

人不能愛其親而愛他人謂之

悖德

不敬其親而敬他人者謂之悖禮

不能敬其親而敬他

人之親者謂之悖禮也

以順則逆

以悖為順則逆亂之道也

民無則焉

則不在於善而皆在於凶德

惡人不能以禮為善乃化為惡若桀

也

雖得之君子所不貴

不以其道故君子不貴

君子則

不然言思可道

君子不為逆亂之道言中詩書故可傳道也

行思可

樂

動中規矩故可樂也

德義可尊

可尊法也

作事可法

可法則也

容

止可觀

威儀中禮故可觀

進退可度

難進而盡忠易退而補過

以臨

其民是以其民畏而愛之畏其刑罰愛其德義則而象之

故能成其德教而行其政令詩云淑人君子其

儀不忒淑善也忒差也善人君子威儀不差可法則也

子曰孝子之事親居則致其敬養則致其樂樂竭

歡心以事其親病則致其憂喪則致其哀祭則致其嚴

五者備矣然後能事親事親者居上不驕雖尊為君

而不驕也為下不亂為人臣下不敢為亂也在醜不爭醜類也以為善

不忿居上而驕則亡富貴不以其道是以取亡也為下而亂

則刑為人臣下好作亂則刑罰及其身在醜而爭則兵朋友中好為忿

宮下舊  
有訓字  
刪之

爭者、惟兵  
三者不除、雖日用三牲之養、猶為不

孝、夫愛親者、不敢惡於人之親、今反騷亂  
分爭、雖日致三牲之養、豈得為孝子、

子曰、五刑之屬三千、五刑者、謂墨劓、而罪莫大

於不孝、要君者無上、事君先事而後、食祿今非

聖人者無法、非侮聖人、非孝者無親、已不自孝

為孝、不可此大亂之道也、事君不忠、侮聖人言、

子曰、教民親愛、莫善於孝、教民禮順、莫善於悌、

移風易俗、莫善於樂、夫樂者、感人情、樂正則安

上治民、莫善於禮、上好禮、則禮者、敬而已矣、禮

之本有故敬其父則子悅敬其兄則弟悅敬其

君則臣悅敬一人而千萬人悅所敬者寡悅者

衆所敬一人是其少此之謂要道也孝悌以敬

化之此謂要道也

子曰君子之敬以孝非家至而日見之也但行

內流化敬以孝所以敬天下之為人父者也天

於外也敬以悌所以敬天下之為人兄

者也天子兄弟事五更所敬以臣所以敬天下之

為人君者也天子郊則君事天廟則詩云愷悌

君事尸所以敬天下臣

君子民之父母

以上三者教於天下，具民之父母。

天非至德，其孰

能順民如此其大者乎？

至德之君能行此三者，教於天下也。

子曰：君子之事親孝，故忠可移於君；

欲求忠臣，出孝子之

門，故可移於君。

事兄悌，故順可移於長。

以敬事兄則順，故可移於長也。

居家理，故治可移於官。

君子所居則化，所在則治，故可移於官也。

是

以行成於內，而名立於後世矣。

曾子曰：若夫慈愛恭敬，安親揚名，則聞命矣。敢

問子從父之命，可謂孝乎？子曰：是何言與？是何

言與？昔者天子有爭臣七人，雖無道，不失其天

下七人者謂大師大保大傅左輔右諸侯有爭

臣五人雖無道不失其國大夫有爭臣三人雖

無道不失其家尊卑輔善未聞其官士有爭友則身不離

於令名令善也士卑無臣故以賢友助已父有爭子則身不陷

於不義故當不義則爭之從父之命又焉得為

孝乎委曲從父命善亦從善惡亦從惡而心有隱豈得為孝乎

子曰昔者明王事父孝故事事天明盡孝於父則事天明事

母孝故事事地察盡孝於母能事地察其高下視其分察也長幼順故

上下治尊卑事於尊幼順於長故上下治天地明察神明彰矣事天

能明事地能察德合天地可謂彰也故雖天子必有尊也言有父

也雖貴為天子必有所尊必有先也言有兄也

事之若父三老是也必有先也言有兄也

若兄五更是也宗廟致敬不忘親也設宗廟四時齋戒以

祭之不忘其親修身慎行恐辱先也修身者不敢毀傷

常恐其辱先也宗廟致敬鬼神著矣慎行者不歷危殆

其孝悌之至通於神明光于四海無所不通孝至

於天則風雨時存至於地則萬物成孝難聖人慎之故重

西自東自南自北無思不服孝道流行詩云自

子曰君子之事上也進思盡忠退思補過將順

上下下  
舊有  
字明之

其美、匡救其惡、故上下能相親也。君臣同心、故能相親。

論語

學而

有子曰、孔子弟子君子務本、本立而道生、孝悌

也者、其仁之本與、先能事父兄、然後仁可成。子曰、巧言令色

鮮矣仁、子、孔子、巧言、好其言語、令色、善其顏色、皆欲令人悅之、少能有仁也。曾子

曰、孔子弟子吾日三省吾身、為人謀而不忠乎、

與朋友交而不信乎、傳不習乎、言凡所傳之事、得無素不講習

而傳之者也。子曰、導千乘之國、導、謂為之政教也。敬事而信

爲國者舉事必敬慎與民必誠信也節用而愛人節用不奢侈也

愛養使民以時不妨奪農務也子曰弟子入則孝出則

悌謹而信汎愛衆而親仁行有餘力則以學文

文者古之遺文子夏曰孔子弟子卜商也事父母能竭其力事

君能致其身盡忠節不愛其身也與朋友交言而有信雖

曰未學吾必謂之學矣子曰君子不重則不威

學則不固主忠信無友不如已者過則勿憚改

主親也憚難也曾子曰慎終追遠民德歸厚慎終者喪盡其哀追

遠者祭盡其敬人君行此二者民化其德皆歸於厚也有子曰禮之用和

為貴先王之道斯為美小大由之有所不行知  
 和而和不以禮節之亦不可行也人知禮貴和而每事從和  
 不以禮為節亦不可行也

為政

子曰為政以德譬如北辰居其所而眾星共之

德者無為猶北辰之不移而眾星共之

子曰詩三百篇之一言以

蔽之曰思無邪

歸於正也

子曰導之以政政謂法教齊之

以刑民免而無耻

苟免

導之以德德謂道德齊之以禮

有耻且格

格正也

子曰君子周而不比

忠信為周阿黨為比

小人比而不周、哀公問曰、何為則民服、哀公、魯君、諡也、

孔子對曰、舉直錯諸枉、則民服、錯、置也、舉、正也、直、

邪枉之人、則民服其上、舉枉錯諸直、則民不服、季康子問、

使民敬、忠、以勸、如之何、康子、魯卿、季孫肥也、子曰、臨之以

莊則敬、莊、嚴也、君臨民以嚴、則民敬上也、孝慈則忠、君能上孝於親、下慈

於民、則民忠矣、舉善而教、不能則勸、舉用善人、而教不能者、則民勸、子

曰、人而無信、不知其可也、無信、其餘終無可也、大車無輓、

小車無軌、其何以行之哉、大車、牛車、輓、輓端橫木、以縛輓者、小車、

馬車、軌、轅端上曲鉤衡者也、

八佾

林放問禮之本

林放魯人

子曰禮與其奢也寧儉喪

與其易也寧戚

易和易言禮之本意失於奢不如儉也喪失於和易不如哀戚

祭如在

言事死如事生

祭神如神在

謂祭神

定公問君使

臣臣事君如之何

定公魯君諡

孔子對曰君使臣以

禮臣事君以忠子曰居上不寬爲禮不敬臨喪

不哀吾何以觀之哉

里仁

子曰君子無終食之間違仁造次必於是顛沛

必於是

造次急遽也、顛沛僇仆也、雖急遽僇仆、不違仁也

子曰民之過

也各於其黨觀過斯知仁矣

此黨謂族親也、過厚則仁、過薄則不

仁也子曰朝聞道夕死可矣子曰能以禮讓為國

乎何有

何有者言不難也

不能以禮讓為國乎如禮何

如禮何者言不能用禮也

子曰見賢思齊焉見不賢而內自

省也子曰以約失之者鮮矣

俱不得中奢則驕溢招禍儉約則無

憂患

子曰君子欲訥於言而敏於行

訥遲鈍也言欲遲行

疾

公冶長

子貢問曰、孔文子何以謂之文、

孔文子、衛大夫孔圉

子曰、

敏而好學、不耻下問、是以謂之文、

敏者、識之疾也

子謂

子產有君子之道四焉、

子產、公孫儵也

其行已也恭、其

事上也敬、其養民也惠、其使民也義、子曰、巧言

令色足恭、

足恭、便僻貌也

左丘明耻之、丘亦耻之、

左丘明、魯大

史也子曰、已矣乎、吾未見能見其過而內自訟者

也、

訟、猶責也、言人有過、莫能自責也

雍也

哀公問、弟子孰爲好學、孔子對曰、有顏回者、好

學不遷怒不貳過不幸短命死矣

顏回、孔子弟子也、遷者、移

也、不貳過、有不善未嘗復行也、

述而

子曰、德之不修、學之不講、聞義不能徙也、不善

不能改也、是吾憂也、

夫子常以此四者為憂也

子之所慎、齊、

戰、疾、

慎齊、尊祖考、慎戰、重民命、慎疾、愛性命也

子曰、我三人行必得

我師焉、擇其善者而從之、其不善者而改之、

言我

三人行、本無賢愚、擇善從之、不善改之、故無常師

子曰、仁遠乎哉、我欲

仁、斯仁至矣、

仁道不遠、行之則是

太伯

子曰恭而無禮則勞慎而無禮則憊

憊畏懼之貌也言慎

而不以禮節之則常畏懼

勇而無禮則亂直而無禮則絞

刺絞

君子篤於親則民興於仁故舊不遺則民不偷

興起也能厚於親屬不遺忘其故舊行之美者也則皆化之起為仁厚之行不偷薄

曾子

曰士不可以不宏毅任重而道遠

宏大也毅強而能斷也士

宏毅然後能負重任致遠路也

仁以為己任不亦重乎死而後

已不亦遠乎

仁以為己任重莫重焉死而後已遠莫遠焉

子曰如有

周公之才之美使驕且吝其餘不足觀也已子

本書布  
其作共  
布

曰不在其位、不謀其政、欲各事一於其職也子曰學如不

及、猶恐失之、言此者勉人學也子曰巍巍乎舜禹有天

下而不與焉、美其有成功能擇任賢臣子曰大哉堯之爲君

也、巍巍乎唯天爲大、唯堯則之、則法也、美堯能法天而行化也

蕩蕩乎民無能名焉、蕩蕩廣遠之稱也、言布其德廣遠民無能識名焉

煥乎其有文章也、煥明也、其立文垂制又著明舜有臣五人

而天下治、禹稷契皋陶伯益也武王曰予有亂臣十人、治亂

也治官者十人謂周公召公太公畢公榮公孔大顛閎夭散宜生南宮适其一人謂文母也孔

子曰才難不其然乎、唐虞之際於斯爲盛有婦

力下脫  
乎字

人焉九人而已

斯此也言堯舜交會之間比於此周周最盛多賢然尚有一婦

人其餘九人而已人

才難得豈不然乎子曰禹吾無間然矣菲飲

食而致孝乎鬼神惡衣服而致美于黻冕畀官

室而盡力溝洫禹吾無間然矣

間非也菲薄也致孝于鬼神謂

祭祀豐潔也黻祭服之衣冕冠名也

子罕

子曰譬如為山未成一簣止吾止也

簣土簣也此勸人於

道德也為山者其功雖已多未成一簣而中道止者我不以其前功多而善之見其志不遂故

不與譬如平地雖覆一簣進吾往也

平地者將進加功雖

始覆一簣、我不以其功少而薄之、據其欲進而與之、

顏淵

顏淵問仁、子曰、克己復禮為仁、克己、一日克己、約身、一日克己

復禮、天下歸仁焉、一日猶見歸、況終身乎、為仁由己、而由

人乎哉、行善在己、曰、請問其目、知其必有條、目、故請問之、子

曰、非禮勿視、非禮勿聽、非禮勿言、非禮勿動、此

者、克己復禮之目、曰、回雖不敏、請事斯語矣、敬事此語、必行之、

仲弓問仁、子曰、出門如見大賓、使民如承大祭、

仁之道、莫尚乎敬、己所不欲、勿施於人、在邦無怨、在家

無怨

在邦為諸侯、在家為卿大夫、

子張問明、子曰、浸潤之譖

膚受之愬、不行焉、可謂明也已

子張、孔子弟子、繆孫師也、譖人

之言、如水之浸潤、以漸成之、浸潤之譖、膚受之

愬、不行焉、可謂遠也已

無此二者、非但為明、其德行高遠、人莫之及也

子貢問政、子曰、足食、足兵、民信之矣、子貢曰、必

不得已而去、於斯三者何先、曰、去兵、曰、必不得

已而去、於斯二者何先、曰、去食、自古皆有死、民

無信不立

死者、古今常道、人皆有之、治邦不可失信

哀公問於有若

曰、年飢用不足、如之何、對曰、盍徹乎

盍、何不也、周法什一

而稅謂之徹也曰二吾猶不足如之何其徹也二謂什二而稅

對曰百姓足君孰與不足百姓不足君孰與足

子張問崇德辨惑辨別子曰主忠信徙義崇德也

徙義見義則從意從之愛之欲其生惡之欲其死既欲其

生又欲其死是惑也愛惡富有常一欲生之一欲死之是心惑也子

曰聽訟吾猶人與人等必也使無訟乎化之在前子曰

君子成人之美不成人之惡小人反是季康子

問政孔子孔子對曰政者正也子帥而正孰敢

不正康子魯上卿諸臣之帥季康子患盜問孔子孔子對

曰、苟子之不欲、雖賞之不竊、

言民化於上、不從其令、從其所好、

季康子問於孔子曰、如殺無道、以就有道、何如、

就、成也、欲多殺以止姦也、對曰、子爲政焉用殺、子欲善而民

善矣、君子之德風也、小人之德草也、草上之風、

必偃、

亦欲康子先自正也、偃、仆也、加草以風、無不仆者、猶民之化於上也、

樊遲曰、

敢問、崇德修慝、辨惑、

孔子弟子樊遲也、修、治也、治惡爲善、子

曰、先事後得、非崇德與、

先勞於事、然後得報、

政其惡、毋攻

人之惡、非修慝與、一朝之忿、忘其身、以及其親、

非惑與、樊遲問、智曰、知人、樊遲未達、子曰、舉直

措諸枉、能使枉者直、舉正直之人用之、廢邪枉之人、則皆化為直也、樊

遲退、見子夏曰、何謂也、子夏曰、舜有天下、選於

衆、舉皋陶、不仁者遠矣、湯有天下、選於衆、舉伊

尹、不仁者遠矣、言舜湯有天下、選擇於衆、舉皋陶伊尹、則不仁者遠、仁者至矣、

### 子路

子路問政、子曰、先之勞之、孔子弟子仲由也、先導之以德、使人信之、

然後勞之、易曰、悅以使民、民忘其勞、請益、曰、毋倦、子路嫌其少、故請益、曰無倦者、

行此上事、無倦則可矣、仲弓爲季氏宰、問政、子曰、先有司

孔子弟子冉雍也、言爲政當先任有司、而後責其事也、敝小過、舉賢才、曰、

焉知賢才而舉之曰舉爾所知爾所不知人其

舍諸汝所不知者人將自舉之各子路曰衛君

待子而為政子將奚先問往將何所子曰必也

正名乎正百事之名也名不正則言不順言不順則事

不成事不成則禮樂不興禮樂不興則刑罰不

中禮以安上樂以移風二者刑罰不中則民無

所措手足故君子名之必可言言之必可行也

所名之事必可得而明言也子曰上好禮則民

莫敢不敬上好義則民莫敢不服上好信則民

莫敢不用情

情、情實也、言民化上、各以實應也

夫如是則四方

之民襁負其子而至矣子曰其身正不令而行

其身不正雖令不從

令、教令也

子適衛冉子僕

冉有御也

子曰庶矣哉

庶、衆也、言衛民多也

冉有曰既庶矣又何加

焉曰富之曰既富矣又何加焉曰教之子曰善

人爲邦百年亦可以勝殘去殺矣

勝殘、勝殘暴之人、使不爲

惡也、去殺、不用刑殺也

誠哉是言也

古有此言孔子信之

子曰如有

王者必世而後仁

三十年曰世、如有受命王者、必三十年仁政乃成

子

曰苟正其身於從政乎何有不能正其身如正

人何定公問一言而可以興國有諸孔子對曰

言不可以若是其幾也以其大要一言不能興國也幾近也有近一言

興國也人之言曰爲君難爲臣不易如知爲君之

難也不幾乎一言而興邦乎事不可一言而成知如此則可近之

曰一言而喪邦有諸孔子對曰言不可以若是

其幾也人之言曰予無樂乎爲君唯其言而莫

予違也言無樂於爲君所樂者唯樂其言而不見違也如善而莫之違

也不亦善乎如不善而莫之違也不幾乎一言

而喪邦乎人君所言善無違之者則善也所言不善而無敢違之者則近一言而喪

國矣、葉公問政、葉公名子曰、近者悅、遠者來、子夏

為莒父宰問政、莒父魯下邑也子曰、毋欲速、毋見小利、

欲速則不達、見小利則大事不成、事不可以速成而欲其速

則不達矣、小利妨大、則大事不成矣樊遲問仁、子曰、居處恭、執事

敬、與人忠、雖之夷狄、不可弃也、雖之夷狄無禮義之處猶不可

弃去而子曰、南人有言曰、人而無恒、不可以作

巫醫、南國之人也、言巫醫不能治無常之人善夫、善南人之言也子曰、君

子和而不同、小人同而不同、君子心同、然其所見各異、故曰不同

小人所嗜好者同、然子貢問曰、鄉人皆好之、何

各爭利、故曰不和也、

如子曰未可也鄉人皆惡之何如子曰未可也

不如鄉人之善者好之其不善者惡之善人善已惡人

惡已、是善善明惡惡著也子曰君子易事而難悅也不責備於一人

故易事也悅之不以道不悅也及其使人也器之才度

而官之小人難事而易悅也悅之雖不以道悅也

及其使人也求備焉子曰君子泰而不驕小人

驕而不泰君子自縱泰似驕而不驕小人拘忌而實自驕矜也子曰以不

教民戰是謂弃之言用不習之民使之戰必破敗是為弃之

憲問

子曰、有德者必有言、有言者不必有德、仁者必

有勇、有勇者不必有仁、子曰、君子而不仁者有

矣夫、未有小人而仁者也、雖曰君子猶未能備也子問公叔

文子於公明賈曰、信乎、夫子不言、不笑、不取、公叔

文子、衛大夫對曰、以告者過也、夫子時然後言、人不

厭其言也、樂然後笑、人不厭其笑、義然後取、人

不厭其取也、子謂衛靈公之無道也、季康子曰、

夫如是、奚而不喪、孔子曰、仲叔圉治賓客、祝鮀

治宗廟、王孫賈治軍旅、夫如是、奚其喪、言雖無道所任

者各當其才、子路問事君、子曰、勿欺而犯之、事何為當亡也、

之道、義不可欺、子曰、不逆詐、不億不信、抑亦先當犯顏諫爭、

覺者是賢乎、有人來、不逆之以為詐、不億疑之以為有不信、然而人有詐不信、有

以先發知之、是人賢逆詐、子路問君子、子曰、修億不信、所以恨耻之也、

已以敬、敬其身也、曰、如斯而已乎、曰、修已以安百姓、

修已以安百姓、堯舜其猶病諸、病、猶難也、

### 衛靈公

子曰、無為而治者、其舜也與、夫何為哉、恭己正

南面而已矣、言任官得其人、故無為也、子張問行、子曰、言忠

敬雖洲里行乎哉

行乎哉言  
不可行也

子張書諸紳

神大帶也

無求生而害仁、死而後成仁、則志士仁人不愛其身也。

顏淵問爲邦。子曰、

行夏之時。

據見萬物之生、以爲四時之始、取其易知也、

乘殷之輅

大輅

越席昭  
其儉也

服周之冕

取其黠。橫塞耳。不任視聽。

樂則韶舞

樂也

盡善盡美  
故取之

放鄭聲遠佞人

鄭聲淫、佞人危、俱能惑人心、使淫亂危殆、

故當放遠之也

子曰、人而無遠慮、必有近憂。子曰、臧文

仲其竊位者與知桺下惠之賢而不與立也

伸文

魯大夫也、柳下惠展禽也、知賢不舉為竊位也、子曰、躬自厚、而薄責於

人、則遠怨矣、責已厚、責人薄、所以遠怨咎也、子曰、君子求諸已、

小人求諸人、君子責已、小人責人、子曰、君子不以言舉人、

有言者、不必有德、故不可以言舉人也、不以人廢言、子貢問曰、有

一言而可終身行者乎、子曰、其恕乎、已所不欲、

勿施於人、子曰、巧言亂德、小不忍、亂大謀、巧言利口、

則亂德義、小不忍、則亂大謀、子曰、衆惡之、必察焉、衆好之、必

察焉、或衆阿黨比周、或其人特立、子曰、人能宏

道、非道宏人、材大者、道隨大、材小者、道隨小、故不能宏人也、子曰、過而

不改是謂過矣子曰吾嘗終日不食終夜不寢以思無益不如學也

季氏

季氏將伐顓臾冉有季路見於孔子孔子曰求

無乃爾是過與冉有曰夫子欲之吾二臣者皆

不欲也

歸咎於季氏

孔子曰求周任有言曰陳力就

列不能者止

周任古之良史也言當陳才力度已所任以就其位不能則當止

危而不持顓而不扶則將焉用彼相矣

言輔相人者當

能持危扶顓若不何用相爲也

且爾言過矣虎兕出於柙龜

玉毀於櫝中、是誰之過與、

櫝、櫝也、櫝、櫃也、失虎毀玉、非典守者過耶、

冉有曰、今夫顓臾、固而近於費、

固、城郭完堅、兵甲利也、費、季氏

邑、今不取、後世必爲子孫憂、孔子曰、求、君子疾

夫、

疾如汝言

舍曰、欲之、而必爲之辭、

舍其貪利之說、而更作他辭、是

所疾、

亡也、聞有國有家者、不患寡、而患不均、

不患土地

人民之寡少、患政治之不均平、

不患貧、而患不安、

憂不能安民耳、民安國富

蓋均無貧、和無寡、安無傾、

政教均平、則不患貧矣、上下和同、則不患

寡矣、大小安寧、不傾危矣、

夫如是、故遠人不服、則修文德以

來之、既來之、則安之、今由與求也、相夫子、遠人

不服而不能來也、邦分崩離析而不能守也、而

謀動干戈於邦內、吾恐季孫之憂、不在顓臾、而

在蕭牆之內也、蕭之言肅也、牆、謂屏也、君臣相見之禮、至屏而加肅敬焉、是以

謂之蕭牆、後季氏家臣陽虎、果囚季桓子也、孔子曰、益者三友、損者

三友、友直、友諒、友多聞、益矣、友便辟、便辟、巧避人所忌、以

求容媚友善柔、面柔者也、友便佞、損矣、佞、諂也、謂孔子

曰、益者三樂、損者三樂、樂節禮樂、動則得禮、樂之節、樂

道人之善、樂多賢友、益矣、樂驕樂、特尊貴、以自恣、樂佚

遊、佚、遊、出入不節、樂宴樂、損矣、宴樂、沉荒淫、黷也、三者、自損之道、孔子

曰侍於君子有三愆言未及之而言謂之躁

躁不

安言及之而不言謂之隱

隱匿不

盡情實未見顏色而

言謂之瞽

未見君子顏色所趨向而便逆先意語者猶瞽者也

孔子曰君

子有三戒少之時血氣未定戒之在色及其壯

也血氣方剛戒之在鬪及其老也血氣既衰戒

之在得

得得貪得也

孔子曰君子有三畏畏天命

順吉逆凶

天之

畏大人

大人即聖人與天地合德也

畏聖人之言小人

不知天命而不畏狎大人侮聖人之言孔子曰

生而知之者上也學而知之者次也因而學之

又其次也。困、謂有所不通也。困而不學、民斯為下矣。孔

子曰、君子有九思、視思明、聽思聰、色思溫、貌思

恭、言思忠、事思敬、疑思問、忿思難、見得思義。孔

子曰、見善如不及、見不善如探湯。齊景公有馬

千駟、死之日、民無得而稱焉。千駟、四千匹也。伯夷、叔齊

餓于首陽之下、首陽、山名。民到于今稱之、其斯之謂

與。此所謂以德為稱。

### 陽貨

子曰、性相近也、習相遠也。君子慎所習。子張問仁於

孔子、孔子曰、能行五者於天下、爲仁矣、請問之、

曰、恭、寬、信、敏、惠、恭則不侮、不見侮也、寬則得衆、信則

人任焉、敏則有功、應事疾則多成功、惠則足以使人、子

曰、由、汝聞六言六蔽乎、對曰、未、居、吾語汝、好仁

不好學、其蔽也愚、仁者愛物、不知所以裁之則愚也、好智不好

學、其蔽也蕩、蕩、無所適守、好信不好學、其蔽也賊、父子

不知相爲、好直不好學、其蔽也絞、觸人也、好勇不好學、

其蔽也亂、好剛不好學、其蔽也狂、狂、妄抵觸人也、子曰、

禮云、禮云、玉帛云乎哉、言禮非但崇此玉帛而已、所貴者、乃貴其安上

治民樂云樂云鐘鼓云乎哉樂之所貴者移風易俗也非但謂鐘鼓而

已子曰鄙夫可與事君也哉言不可與事君其未得之

也患得之患得之者患不能得之既得之患失之苟患失

之無所不至矣無所不至者言邪媚無所不為子曰惡紫之奪

朱也惡其邪好而奪正色惡鄭聲之亂雅樂也惡其邪音而亂雅樂

惡利口之覆邦家也利口之人多言少實苟能悅媚時君傾覆國家也

子貢曰君子亦有惡乎子曰有惡惡稱人惡者

好稱說人惡所以為惡也惡居下流而訕上者訕謗也惡勇而

無禮者惡果敢而窒者窒塞也曰賜也亦有惡乎惡

微以爲智者微抄也抄人之意以爲已有惡不遜以爲勇者

惡訐以爲直者訐謂攻發人之陰私

微子

桺下惠爲士師士師典獄之官也三黜人曰子未可以

去乎曰直道而事人焉往而不三黜苟直道以事人所至

之國俱當復三黜枉道而事人何必去父母之邦周公

謂魯公魯公周公之子伯禽也曰君子不施其親施易也

人之親易已之親不使大臣怨乎不以以用也怨不以見聽用也故

舊無大故則不弃也無求備於一人大故謂惡逆之事也

子張

子夏曰、小人之過也必文、

文飾其過、不言情實也、

子夏曰、

君子信而後勞其民、未信則以爲厲已也、

厲、病、信

而後諫、未信則以爲謗已也、孟氏使陽膚爲士

師、

陽膚、曾子弟子也、士師、典獄官也、

問於曾子、曾子曰、上失其

道、民散久矣、如得其情、則哀矜而勿喜、

民之離散、爲輕

漂犯法、乃上之所爲、非民之過也、當哀矜之、勿自喜能得其情也、

子貢曰、紂之

不善也、不如是之甚也、是以君子惡居下流、天

下之惡皆歸焉、

紂爲不善、以喪天下、後世憎之、甚、皆以天下之惡、歸之於紂也、

子貢曰、君子之過也、如日月之食焉、過也人皆見之、更也人皆仰之、更、改也。

堯曰

朕躬有罪、無以萬方、萬方有罪、罪在朕躬、無以萬方、

萬方不與也、萬方有罪、我身之過、雖有周親、不如仁人、親而不

則誅之、管蔡是也、仁人箕子微子、來則用之、百姓有過、在予一人、謹

權量、審法度、修廢官、四方之政行焉、權、秤也、量、斗斛也、興

滅國、繼絕世、舉逸民、天下之民歸心焉、所重民

食喪祭、重民、國之本也、重食、民之命也、重喪、所以盡哀也、重祭、所以致敬也、寬則

得衆敏則有功公則悅

言政公平則民悅矣凡此五帝三王所以治故

傳以示後世也

子張問政於孔子曰何如斯可以從政

矣子曰尊五美屏四惡斯可以從政矣

屏除也

張曰何謂五美子曰君子惠而不費勞而不怨

欲而不貪泰而不驕威而不猛子張曰何謂惠

而不費子曰因人所利而利之不亦惠而不費

乎

利民在政無費於財

擇可勞而勞之又誰怨欲仁而得

仁又焉貪君子無衆寡無小大無敢慢

言君子不以寡

小而慢之

斯不亦泰而不驕乎君子正其衣冠尊其

瞻視儼然人望而畏之斯不亦威而不猛乎子  
張曰何謂四惡子曰不教而殺謂之虐不戒視  
成謂之暴不宿戒而責目前成爲視戒也慢令致期謂之賊與民  
無信而猶之與人也出納之吝謂之有司謂財物俱  
虛刻期當與人而吝嗇於出內惜難之  
此有司之任耳非人君之道

羣書治要卷第九